

1. 東國山水錄(增補山林經濟): 규장각(一簣 古630.2-J572)

■ 종합해제

서명	小華志																																																																						
서지 사항	표제	增補山林經濟																																																																					
	면수(권책수)	16권 8책 중 1권 1책(47면)																																																																					
	판본형태	필사본																																																																					
	간행연도	1766년(영조 42) 이후																																																																					
	행자	9행 19자																																																																					
	규격	22.8x17cm																																																																					
	소장처	서울대학교 규장각한국학연구원																																																																					
	청구기호	一簣 古630.2-J572																																																																					
	표기문자	한문																																																																					
	장서인																																																																						
	필사기																																																																						
	기타사항	『增補山林經濟』 권16에 東國山水錄이란 제목으로 수록되어 있음.																																																																					
편목 사항	계열	東國山水錄/개정본 계열																																																																					
	<table><tr><th colspan="2">정본 택리지</th><th colspan="3">東國山水錄(增補山林經濟)</th></tr><tr><td colspan="2">序文</td><td rowspan="13">東國山水錄</td><td rowspan="4">卜居論</td><td>地理</td></tr><tr><td colspan="2">序論</td><td>生利</td></tr><tr><td rowspan="10">八道論</td><td colspan="2">八道論 序說</td><td>山水通論</td></tr><tr><td colspan="2">平安道</td><td>江居</td></tr><tr><td colspan="2">咸鏡道</td><td rowspan="8">八道論</td><td>平安道</td></tr><tr><td colspan="2">黃海道</td><td>咸鏡道</td></tr><tr><td colspan="2">江原道</td><td>黃海道</td></tr><tr><td colspan="2">慶尙道</td><td>江原道</td></tr><tr><td colspan="2">全羅道</td><td>慶尙道</td></tr><tr><td colspan="2">忠淸道</td><td>全羅道</td></tr><tr><td colspan="2">京畿道</td><td>忠淸道</td></tr><tr><td rowspan="10">卜居論</td><td colspan="2">卜居論 序說</td><td rowspan="2">卜居論</td><td>溪居</td></tr><tr><td colspan="2">地理</td><td rowspan="8">南師古十勝保身地</td></tr><tr><td>生利</td><td>貿遷</td><td rowspan="8">東國勝區錄</td><td rowspan="8">卜居論</td></tr><tr><td colspan="2">人心</td></tr><tr><td rowspan="7">山水</td><td>山水通論</td></tr><tr><td>名山名刹</td></tr><tr><td>都邑隱遁</td></tr><tr><td>海山</td></tr><tr><td>嶺東山水</td></tr><tr><td>四郡山水</td></tr><tr><td>江居</td></tr><tr><td>溪居</td><td>關北山水</td></tr></table>					정본 택리지		東國山水錄(增補山林經濟)			序文		東國山水錄	卜居論	地理	序論		生利	八道論	八道論 序說		山水通論	平安道		江居	咸鏡道		八道論	平安道	黃海道		咸鏡道	江原道		黃海道	慶尙道		江原道	全羅道		慶尙道	忠淸道		全羅道	京畿道		忠淸道	卜居論	卜居論 序說		卜居論	溪居	地理		南師古十勝保身地	生利	貿遷	東國勝區錄	卜居論	人心		山水	山水通論	名山名刹	都邑隱遁	海山	嶺東山水	四郡山水	江居	溪居	關北山水
	정본 택리지		東國山水錄(增補山林經濟)																																																																				
	序文		東國山水錄	卜居論	地理																																																																		
	序論				生利																																																																		
	八道論	八道論 序說			山水通論																																																																		
		平安道			江居																																																																		
		咸鏡道		八道論	平安道																																																																		
		黃海道			咸鏡道																																																																		
		江原道			黃海道																																																																		
		慶尙道			江原道																																																																		
		全羅道			慶尙道																																																																		
		忠淸道			全羅道																																																																		
		京畿道			忠淸道																																																																		
		卜居論			卜居論 序說		卜居論	溪居																																																															
	地理			南師古十勝保身地																																																																			
	生利		貿遷		東國勝區錄	卜居論																																																																	
	人心																																																																						
	山水		山水通論																																																																				
			名山名刹																																																																				
都邑隱遁																																																																							
海山																																																																							
嶺東山水																																																																							
四郡山水																																																																							
江居																																																																							
溪居	關北山水																																																																						

	<table><tr><td>結論</td><td></td><td></td><td></td></tr><tr><td>跋文</td><td></td><td></td><td>四郡山水</td></tr></table>	結論				跋文			四郡山水
結論									
跋文			四郡山水						
특징	東國山水錄 계통의 저본이 된 異本으로 柳重臨의 『增補山林經濟』에 수록되어 있다. 편자가 임의적으로 내용을 축약하고 목차를 개정하여 李重煥이 저술한 『택리지』와 체제 및 내용면에서 많은 변화가 있다.								
특이 사항	柳重臨의 『增補山林經濟』에 수록된 『擇里志』의 異本으로 柳重臨이 손수 기록한 수택본으로 추정된다. 『증보산림경제』 권16에 東國山水錄이란 제목으로 수록되어 있다. 卜居論부터 시작하는데 人心의 내용을 삭제하고 地理, 生利, 山水 세 가지를 可居處의 필수요건으로 삼았다. 여기서부터 편자의 의도가 개입되어 정본 『택리지』와 많은 차이를 보인다. 『택리지』의 다양한 이본을 양산하게 된 동국산수록 계통의 효시가 되는 이본이다. 『택리지』의 기존 체제를 무시하고 전체적인 체제와 내용을 새롭게 재편하였다. 팔도론의 경우는 대부분의 내용을 산삭하고 편자의 의도에 따라 내용을 축약하였는데, 대부분의 수식어를 삭제한 면모가 보이고 이중환이 직접 듣고 기록한 전설과 같은 내용을 모두 삭제한 특징이 드러난다. 또한 북거론의 山水도 기존의 구성을 분리하여 鷄距를 동국산수록으로 편입시켰다. 반면 나머지 내용은 東國勝區錄에 담아 名勝 관련 내용들을 따로 편집한 특징을 보인다. 이중환의 『택리지』에서 구분한 단락을 무시하고 새롭게 단락을 재편한 것도 중요한 특징이다. 특히 동국승구록에서 명승 별로 항목을 설정해 기록하는 과정에서 새롭게 추가한 내용이 다수 보인다. 대부분 지리적 위치를 상세하게 기록한 것이고 일부 지명에 각주를 달아 설명을 부기하기도 했다. 이본대조표로 정본과 구분이 무색할 정도로 많은 부분에서 차이가 드러난다. 대부분 개정본 『택리지』를 축약해 기술하였지만 두세 단락을 한두 문장으로 축약한 경우가 많고 그 사이에 새로운 내용을 가미하여 새로운 양상의 『택리지』 이본이 출현하는 데 결정적인 영향을 끼쳤다.								

■ 주요 이본 대조표

연번	대목차	소목차	내용	
			정본 택리지	東國山水錄(增補山林經濟)
1	卜居論	生利	慶尙則左道皆土瘠民貧，惟右道饒沃。全羅則左道之傍智異者皆饒沃，沿海邑則無水多旱。忠清則內浦·車嶺以南，沃瘠參半，而其最沃者不過種一斗，收六十斗。自車嶺以北，至漢南，亦沃瘠參半，而不及車嶺之南，其沃者多不過四十斗。漢北則大抵土瘠。東自江原，西至開城，水田一斗所收皆出三十斗，其下者又不及此數矣。江原之嶺東九縣以至咸鏡，土尤瘠。黃海沃瘠參半，平安則山郡土瘠，而沿海諸邑頗沃，不下忠清矣。	慶尙則左道皆土瘠民貧，右道饒沃。全羅則左道之傍智異者皆饒沃，海邑則無水多旱。忠清則內浦·車嶺以南，沃瘠參半，而其最沃者不過收六十斗。車嶺[在公州西北五十七里]以北，至漢南，亦沃瘠參半，而不及車嶺之南。漢北則大抵土瘠。東自江原，西至開城，水田一斗皆出三十斗，其下者又不及此數矣。江原之嶺東九邑以至咸鏡，土尤瘠。黃海饒瘠參半，平安則山郡土瘠，而沿海諸邑頗沃，田則峽邑多種粟，野邑山海俱遠處，無所不宜。
2	卜居論	山水	何以論人心？孔子曰：“里仁爲美，擇不處仁，焉得智？”昔孟母三遷，欲教子也。擇非其俗，則不但於身有害，於子孫必有薰染詿誤之患。卜居不可不視其地之謠俗矣。夫高山急水·險峽驚湍，雖有一時賞玩之致，只宜寺觀棲止，不可作永居世奠之所。其必也野邑，有溪山江山之勝，或夷曠而明麗，或幽雅而蕭洒，或山不高而秀，不大而清。雖有奇巖秀石，而絕無陰慘險厲之容，茲爲靈氣鍾聚，在邑爲名城，在鄉爲名村矣。	何以論山水？高山急水·險峽驚湍，雖有一時賞玩之致，只宜寺觀棲止，不可作永遠世傳之所。必也野邑，有溪山江山之勝，或夷曠而明麗，或幽雅而蕭洒，或山不高而秀，不大而清。雖有奇巖秀石，而絕無陰慘險厲之容，茲爲靈氣鍾聚，在邑爲名城，在鄉爲名村矣。

			無陰慘險厲之容，茲爲靈氣鍾聚，在邑爲名城，在鄉爲名村矣。	
3	卜居論	名山名利	全羅·平安，則余所不見，咸鏡·江原·黃海·京畿·忠清·慶尙，余多見之矣。以余所見，參以所聞，金剛山萬二千峯，純是石峯·石洞·石川·石瀑，峯巒·洞府·水泉·淵瀑，無非白石結作。乃至萬仞之巔·百丈之潭，渾是一石，此天下所無。山中央有正陽寺，寺有歇惺樓，得地最要，坐其上，可得一山真面目·真精神。如在瓊瑤窟裏，清氣爽朗，令人不覺換滌腸胃間塵土。	○江原之金剛山，一名蓬萊，一名楓嶽，凡一萬二千峯，純是石峯·石洞·石川·石瀑。峯巒·洞府·水泉·淵瀑，無非白石結作。乃至萬仞之巔·百丈之潭，渾是一石，此天下所無。山中央有正陽寺，寺有歇惺樓，得地最要，坐其上，可得一山真面目·真精神。如在瓊瑤窟裏，清氣爽朗，令人不覺換滌腸胃間塵土。
4	卜居論	都邑隱遁	蘆嶺一枝，北至扶安，斗入西海中，西南北皆大海，內有千峯萬壑，是爲邊山。無論高峯絕巔平地仄崖，皆落長松，參天翳日。洞外皆鹽戶漁父，山中多良田沃疇。居民上山採蔬菜，下山就魚鹽，薪炭贏蛤，不待價而足，只恨水泉帶瘴。	○蘆嶺一枝，北至扶安，斗入西海中，西南北皆大海，內有千峯萬壑，是爲卞山。扶安西二十五里，石峯盤回，百餘里巖谷深邃，毋論峯崖平地，皆落長松，洞外皆鹽戶漁父，山中多良田沃疇。生理雖好，而只恨水泉帶瘴。
5	卜居論	海山	夫海中山，亦多奇異。濟州漢拏山是爲瀛洲山，上有大池，每人語喧鬧，則輒雲霧大作。絕頂有一方巖，如人鑿成，其下莎草成蹊，香風滿山。時聞笙蕭聲，不知自何來，諺傳神仙恒遊之處。	○濟州，卽古耽羅國也。有漢拏山，是爲瀛洲，上有大池，每人語喧鬧，則輒雲霧大作。絕頂有一方巖，如人鑿成，其下莎草成路，香風滿山。時聞笙蕭聲，不知自何來。山下有窟，而乘船以入，人莫至其極處，山北卽濟州邑治，本無虎豹，自新羅附元，以爲房星，分野縱駭馬於山，爲牧場歲貢。島方四百里，水路九百七十里，其南卽琉球國也。
6	卜居論	嶺東山水	我國八道，俱無湖水，惟嶺東六湖，殆非人世間所有。	○國內無湖水，惟嶺東有六湖，殆非人世所有。如高城三日浦·江陵鐘浦臺·歙谷侍中臺爲第一，杆城花潭·永郎湖·襄陽青草湖爲其亞也。[延安有南大池，尙州有空闕池。]

東國山水錄

（卜居論）

卜居之地，地理爲上，生利次之，山水又次之。三者缺一，非樂土也。地理雖佳，生利乏則不能久居，生利雖好，地理惡則亦不能久居。近處無山水可賞處，則無以陶寫性情。

（地理）

何以論地理？先看水口，次看野勢，次看山形，次看土色，次看水理，次看朝山·朝水。凡水口虧疏空濶處，雖有良田萬頃·廣厦千間，類不能傳世，自然[消散]耗敗。故尋相陽基，必於水口關鎖內開野處着眼。然山中易得關鎖，而野中難以固密，則必須逆水砂。毋論高山陰坂，有力泝流遮攔堂局則吉。一重固好，三重五重又大吉，可爲完固綿遠之基矣。

凡人受陽氣以生，天乃陽光也，少見天處，決不可居。故野愈廣則基愈美。須使日月星辰之光，粲然恒臨，風雨寒暑之氣，盎然得中，人才多出，而亦少疾病。最忌四山高壓，日晚出而早入，夜或不見北斗。靈光既少，陰氣易乘，則乃作神叢鬼窟，朝夕嵐瘴之氣，又使人易病，此所以峽居不如野居。而大野中羣山周回，則此不可以山指，而統以野稱之者，由天光不隔，水氣遠通也。至於高山之中，亦須開野處，方可作基。

凡山形，祖宗有堪輿家樓閣飛揚之勢，主山秀麗端正·清明軟媚者爲上。後山綿綿，度野忽起，高大峰巒，紆回枝葉，結作洞府，如入宮府之內，而主勢穩重豐碩，如重屋高殿者次之。四山遠却平濶，而山脈落下平地，遇水即止，爲野基者又次之。最忌來龍懶弱頑鈍而無生氣，或破碎欹斜而少吉氣。凡地無生色吉氣，則人才不出，此所以不可不擇山形也。

凡村居，無論水中水邊，土色砂土堅密，則井泉亦清冽，如此則可居。若赤粘黑礫黃細，則是死土也。其地所出井泉，必有嵐瘴，如此則不可居。

無水之地，自不可居。山必得本配水，然後方盡生化之妙。然水必來去合理，然後方成鍾毓之吉。此有堪輿家書，姑不具論。然陽基異於陰宅。水管財祿，故積水之濱，多厚富之家·名村盛塢。雖山中，亦有溪澗聚會，方爲世代久遠之居。

凡朝山，或有羸惡石峯，或有方斜高峯，或有崩落之形，或有窺闖之容，或有異石怪巖，見於山上山下，或有長谷沖砂，見於左右前後，皆不宜居。必也遠則清秀，近則明淨，一見令人歡喜，而無峻嶒憎惡之狀吉。

朝水則謂水外水也。小川小溪逆朝爲吉，至於大川大江，決不可逆受。凡逆大水處，毋論陽基陰宅，初雖興發，久則無不敗滅，不可不戒。來水又必與龍向，合其陰陽，而又屈曲悠揚而朝來，不可一直如射。是故將欲建宅立舍，爲子孫傳世之計，則於地理不可不相而擇之，而此六者乃要旨也。

（生利）

何以論生利？人生於世，不得不從事於衣食，而上供祖先父母，下畜妻子奴婢，故凡於養生送死，莫不需賴於財，其所生財之道。土沃爲上，舟車人物都會，可以貿遷有無者次之。

國中最沃之土，惟全羅道南原·求禮，慶尙道晉州·星州等處。水田種一斗，上收一百四十斗，次者收百斗，最下者收八十斗，餘邑不能盡紀。

慶尙(=京山道)則左道(=慶尙左道)皆土瘠民貧，右道(=慶尙右道)饒沃。全羅(=全羅道)則左道(=全羅左道)之傍智異(=智異山)者皆饒沃，海邑則無水多旱。忠

清(=忠清道)則內浦·車嶺以南，沃瘠參半，而其最沃者不過收六十斗。車嶺[在公州西北五十七里]以北，至漢南，亦沃瘠參半，而不及車嶺之南。漢北則大抵土瘠。東自江原(=江原道)，西至開城，水田一斗皆出三十斗，其下者又不及此數矣。江原(=江原道)之嶺東九邑以至咸鏡(=咸鏡道)，土尤瘠。黃海(=黃海道)饒瘠參半，平安(=平安道)則山郡土瘠，而沿海諸邑頗沃，田則峽邑多種粟，野邑山海俱遠處，無所不宜。

木綿則兩南爲最，毋論峽土海土，皆宜種。自江原(=江原道)嶺東，北至咸鏡(=咸鏡道)，俱闕種。江原(=江原道)嶺西則山氣凄寒，亦不宜種，而惟原州·春川近野稍種。京畿(=京畿道)漢水(=漢江)以北，山邑則山高水冷，亦不宜種，野邑，或種或不種，而惟開城最盛。漢南沿海諸邑及忠清(=忠清道)沿海地內浦·林川·韓山，俱不宜種之。土不堅實，故苗長而無花。漢南遠海處間多種之，而然甚罕。惟忠清(=忠清道)近峽處槐山·延豐·清風·丹陽尤盛。猶不及車嶺以南邑皆種綿矣。黃澗·永同·沃川·懷德·公州爲上，清州·文義·燕岐·鎭川等邑爲次。黃海(=黃海道)則山郡及野邑并宜土甚盛，而惟沿海邑不宜，平安(=平安道)則惟山郡罕種，野邑無不宜綿花。

此外又有鎭安之煙田，全州之薑田，林川·韓山之苧田，安東·禮安之龍鬚田，爲國中第一，爲富人權利之資。此乃我國田地之大略也。

(山水)

何以論山水？高山急水·險峽驚湍，雖有一時賞玩之致，只宜寺觀棲止，不可作永遠世傳之所。必也野邑，有溪山江山之勝，或夷曠而明麗，或幽雅而蕭洒，或山不高而秀，不大而清。雖有奇巖秀石，而絕無陰慘險厲之容，茲爲靈氣鍾聚，在邑爲名城，在鄉爲名村矣。

江居則以平壤外城爲八道第一。蓋平壤前後百里開野，豁然明朗，故氣像宏恢。山色秀嫩，江不急瀉，而平徐演漾於前。山與野稱，野與水稱，平坦秀麗，浩浩洋洋。商船賈舶，出沒波中；秀石層巖，逶迤江岸。西北則良田平疇，極目瀰滿，是一別乾坤也。

諺傳平壤地理爲行舟形，忌鑿井。無論公私，一邑皆汲江水，樵採路遠，薪芻甚貴，此其所欠也。

次則春川·牛頭村，在昭陽江上二水合衿之內。臨水有石，石下有江，江外有山。雖峽中，開拓既遠，敞豁明爽，又通上下江舟楫，魚鹽之利，居人多以商販致富。

次則驪州邑治，在漢水(=漢江)上流南岸。岸南之野直通四十餘里，故氣像清遠。江不雄迫，自東趨西而上有馬巖·巖寺之石，殺其水勢。西北平夷，故爲邑治者數千

年。

凡江村罕兼農利，或村在兩山間，前阻江水沙磧，無田土可耕。雖有之，遠不可耕收，或地勢低下，水澇無收。不然有者，皆薄土耳。且水深大，不可灌溉，旱澇易入，故江居徒有江山，少衣食之利。惟三處最勝，以開野故也。

至如豐德昇天浦·開城後西江，竝濁潮帶瘴。漢陽諸江村，前山太近。忠州金遷 [俗名所悅(=金遷)]·木溪外，皆寂莫孤村。公州惟錦壁(=金壁亭)絕勝，而但狹隈僻巷。尙州洛東(=洛東江)則兩岸荒谷，羅州木浦·光陽蟾津·晉州瀋江，所處太遠。

惟扶餘以下，南至恩津，西至臨陂，多據水爲勝。處三南中心，距京不遠，野近而土饒，可以耕耘。有粳稻·苧麻·魚蟹之利，受三南委輸，爲江海舟船之湊集。漢水(=漢江)以外，惟此可居。

(八道總論)

(平安道)

平安道清川江 [即薩水(=清川江)]，源出妙香山(=妙香山)以南謂清南，地形東西狹，以北謂清北，東西甚廣。一道東近嶺脊，山多而平地少，且乏川澤可以灌溉。故水田絕少，野皆田穀。多夷山開墾，西則近海，諸邑多障有水田，而視田則少，故米價常貴。

俗事桑麻織作，魚鹽絕貴，雖海邑，煮鹽處不多。地不產竹柿苧楮。清北則地尤近塞，亦無花果，而物產甚稀少，民多皆竄偷生。惟平壤·安州爲大都會，市裕燕(=北京)貨，民多富厚者。

(咸鏡道)

咸鏡道咸興以北，山川巖險，風俗勁悍，土寒地瘠。穀惟粟麥，少粳稻，無綿絮。山饒貂參，民以貂參換南商之綿布，方得衣袴。臨海饒魚鹽，然其味不及西海之醃厚者矣。

安邊西北德源境，海上有元山村(=元山)。浦民聚居，以漁採爲業，而海道東北通六鎮，六鎮及沿海諸邑商船，皆維泊於此。凡魚鹽·海蔘·細布·輕鬚·貂參·棺槨之材，皆於此地出賁。故江原(=江原道)·黃海(=黃海道)·平安(=平安道)·京城(=漢陽)各處商賈，日夜坌集，物貨委積，爲大都會。民多以廢著爲業而致富厚者。朝家設倉於此，海運慶尙(=慶尙道)之穀，儲置於倉，每北道(=咸鏡道)凶荒，以時船運列

邑，而爲賑資。

(黃海道)

黃海道金川則合江陰·牛峯二縣爲郡，而舊有瘴，近益甚，不宜居。平山亦有瘴，然頗開野，土地饒沃，多富盛之村。

慈悲嶺[在瑞興]舊爲通北大路，自麗末，廢嶺養木而塞之，開巴土嶺路，爲南北大關。然嶺脈不十里而爲平原，是爲棘城，而野東西廣十餘里，西至於南五里江，下流通潮汐無水。巴土嶺與九月(=九月山)東西對峙爲一大水口，而南五里江劃處一野之中，自南北注湏江，江之東則黃州·鳳山·瑞興·平山，江之西則安岳·文化·信川·載寧也。

俱在綿岳·首陽之北。土爲上腴，宜五穀綿絮，鉛鐵則山出而棋置。江東西岸皆夾水築長堤，內皆水田，一望無際，如中原之蘇湖矣。米之產於此者，粒長大，性粘潤，異於他。

豐川·殷栗爲上腴。有造山一坪，水田種一斗，或收數百斗，少不下百斗。田出亦如之，此則三南所罕也。

然長淵以北，南阻長山串，惟北通平安(=平安道)。故穀絮至賤矣，

海州在首陽(=首陽山)之陽，而海水闖兩山間，滙渟於面前山外，爲一大湖，土人謂之小洞庭。

綿岳一支逆而東走，爲延安·白川，在海州東後西江之西寶輦江下流之北，泰山·洪河·大野·長川萃會於此，而且通潮汐。平濶明秀，如有中原江淮風氣，最爲可居。但土瘠易旱，不宜木綿。居人喜以舟楫通江海之利。東通二都，南通西湖，貿遷交易，常得奇羨。

大抵黃海一道(=黃海道)，介山海間，有鉛鐵·綿絮·稻粱·魚鹽之利，亦非不可居之地。地勢陡入西海，三面負海，獨東一路當南北通行而大路。北有巖嶺，南阻重江，表裏山河，內多巖險城郭，又有沃野，眞天府用武之國也。此其所短耳。

(江原道)

江原道在咸鏡(=咸境道)·慶尙(=慶尙道)間，西北隣黃海(=黃海道)·谷山·兎山等邑，西南與京畿(=京畿道)·忠清(=忠清道)二道相接。嶺脊自鐵嶺，南至太白(=太白山)，橫亘如天際陣雲。嶺之東有九郡，九郡之西則爲金剛(=金剛山)·雪岳(=雪嶽山)·五臺(=五臺山)·頭陀(=頭陀山)·太白(=太白山)等山。山海之間，多奇勝處。

土人少治文學，自古少顯達者，惟江陵[古濊國]頗出科甲。然土甚薄，水田種一斗，僅收十餘斗。惟高城·通川，最多水田，而不甚磽薄。次則三陟云，然三邑人物不產。大都九郡皆濱海，居民專以漁採煮鹽爲生，雖土薄，亦多富厚者。但西嶺太高如異域，宜一時游賞，非久居處也。

北自淮陽，南至旌善，皆亂山深谷，多燒畬耕作，水田甚少。風氣高寒，地瘠民魯。惟春川·原州差勝，春川在麟蹄西，水陸西南距漢陽二百里餘。北有清平山，山南十餘里臨昭陽江，有二水合襟內，有牛頭大村(=牛頭村)。山中濶展平野，二江灌注於中，風氣固密，而江山清曠，土地饒沃，多世居士族。

原州在寧越西，西距漢陽二百五十里，東連嶺峽，西接砥平。山谷間錯開原野，明秀而不甚險阻。介畿嶺間，輸東海魚鹽·人蔘·棺槨·宮殿之材，爲一道都會。近峽，有事易以隱避，近京(=漢陽)，無事可以進就，故漢陽士大夫多樂居於此。

北有橫城縣(=橫城)，峽中開拓晃然，別有一種難形之氣。

東北受五臺(=五臺山)以西水，西南至原州爲蟾江[安昌水]，入于興元倉，與忠江下流合村，以二江爲龍虎，紐結於村前爲深潭，而五臺(=五臺山)西赤岳(=雉嶽山)之脈，至此大盡。江外山，關鎖於左右，地理最佳。茲爲江原一道(=江原道)通京(=漢陽)輸會之所，多世居士大夫，亦多以舟商致富厚者。然地近兩江，無水田，不能兼農利。村東南踰岡麓爲德隱村，東與忠州青龍里接。山谷間多水田，泉石清幽，亦可隱處。

鐵嶺金剛(=金剛山)之水，南下爲春川牟津江，至龍津入于漢江，而自春川渡江而西，有楊口·金化·金城·鐵原·平康·安峽·伊川七邑，皆在京畿(=京畿道)之北·黃海(=黃海道)之東。其中鐵原，雖隸江原(=江原道)，卽野邑，西與京畿(=京畿道)長湍接壤。土雖瘠薄，大野孱山平湖明朗，在二江內，亦峽中一都會也。

(慶尙道)

慶尙左道土瘠民貧，雖儉嗇而多文士，右道(=慶尙右道)土沃民富，喜豪侈而不爲力學，此其大較也。禮安·安東·順興·榮川·醴川等邑，在太白(=太白山)·小白(=小白山)之南，茲爲神臯福地。而泰山(=太白山)之下，平山曠野，明秀清朗，白沙堅土，氣色宛然如漢陽。

安東北二百里爲太白山。山下有奈城(=奈城村)·春陽(=春陽村)·才山(=才山村)·召川(=召川村)四村，皆深峽。峽民保聚，通江原(=江原道)沿海魚鹽之利，而又可以避世。

尙州一名洛陽(=尙州)，嶺下一大都會也。山雄野濶，而北近鳥嶺，通忠州·京畿(=京畿道)，東臨洛東(=洛東江)，通金海·東萊。馬運船載，爲南北水陸走集，便

於貿遷故也。善山比尙(=尙州)，尤清穎明秀。故諺曰：“朝鮮人才，半在嶺南(=慶尙道)；嶺南(=慶尙道)人才，半在一善(=善山)”。金山西卽秋風嶺，嶺西卽黃澗地，黃岳(=黃嶽山)·德裕(=德裕山)以東水，合爲甘川，東入于洛東(=洛東江)。臨川邊爲邑者，知禮·金山·開寧·善山，俱享灌溉之利，水田膏腴，人民安土。星州·高靈·陝川，竝在伽倻(=伽倻山)之東，而三邑水田爲嶺南(=慶尙道)最上腴，故土着竝富饒，無流移者。

(全羅道)

全羅道，地既饒沃，西南濱海，有魚鹽·稻粳·絲絮·竹楮·苧木·橘柚之利。俗於聲色雜術奢侈，人多儇薄傾巧而不重文學。

乾止山一脈，西去爲德池，極深濶。過池而爲平岡，盤回於大野，逆受萬馬洞水，地理最佳，實爲可居處。珠峯以西諸谷之水，由高山縣，入全州境爲栗潭·良田浦·五百洲。大溪灌溉，土爲上腴，有稻魚·薑芋·竹柿之利，千村萬落，養生之具畢備。西斜灘通舟船魚鹽，府治人物稠衆，貨財委積，與京城(=漢陽)無異，誠一大都會也。蘆嶺以北十餘邑，皆有瘴，惟全州清涼，最爲可居。

龍華山一枝北走，爲礪山西北爲彩雲山。一孤峯特立野中，養蔭靈泉。由彩雲(=彩雲山)渡一小垵爲黃山村。石山臨江陡起，與恩津江景村，隔小浦通舟船，爲勝地。

西則龍安·咸悅·臨陂而竝在鎮江之南，惟臨陂五城山，特異。逆江開局，有西樹浦大村，爲舟船停泊之所，與江景(=江景村)·黃山(=黃山村)，竝稱江上名村。

蘆嶺[在長城北]之西爲靈光·咸平·務安，南爲長城·羅州，此五邑則水泉無瘴，不比蘆北。靈光法聖浦，海水潮至，滙渟於前面，湖山婉宕，閭閻櫛比，人謂小西湖(=法聖浦)。近海列邑，皆置倉於此，爲捧米漕轉之所。長城亦沃壤，而山水又佳。羅州爲嶺下一都會，背負錦城山，臨靈山江，邑治局勢，恰似漢陽。

靈山江西流爲務安·木浦，沿江多名村。渡江爲大野，東接光州，南通靈巖。風氣恢暢，物衆地大，村落星布。且綰西南江海輸會之利，與光州竝稱名邑。

南原東南爲星園，有溪山之致。又南爲求禮，自星園至求禮，通爲一野，多畝種水田。求禮西有鳳洞泉石之奇，東有華嚴(=華嚴寺)·燕谷(=燕谷寺)之勝，南則爲九灣村。江山土地與舳舨魚鹽之利，最爲可居處。然南原·求禮，皆在智異(=智異山)西，與水西三邑，舊有瘴，竝稱惡土，近少清涼(=清涼山)云。

(忠清道)

忠清道在京畿(=京畿道)·全羅(=全羅道)之間，西與海接，物產之多，不及二南(=慶尙道·全羅道)，然山川平嫩，居國之近南，茲爲衣冠淵藪。且其風俗近京(=漢陽)，實可擇而居之。

公州距漢陽南三百里，在車嶺南·錦水(=錦江)[源出俗離山]之陰。自公州渡錦水(=錦江)踰車嶺，歷天安·稷山，北至京畿(=京畿道)陽城，從振威·水原·果川以至京師(=漢陽)，沿路稷山以北，皆野散土瘠，多草寇，不可居。

惟內浦爲上。自公州西北可二百里有伽倻山，西則大海，北則與京畿(=京畿道)海邑隔一大澤，卽西海之斗入處。東則爲大野，野中又有一大浦，名申宮津(=申宮浦)。非俟潮滿則不可用船。

伽倻(=伽倻山)前後有十縣，俱號爲內浦。地勢斗絕一隅。土地饒沃，魚鹽至賤，多士大夫世居。然近海多霍腫。山川雖平善，少秀拔之意。

聖住山西卽庇仁·藍浦，土極膏腴，西臨大海，有魚鹽粳稻之利。山南卽舒川·韓山·林川，臨鎮江地，宜苧，苧利甲一國。居江海間，舟船之利，不下漢陽。

公州有四大村，“一儒城(=儒城村)，二敬天(=敬天村)，三利仁(=利仁驛)，四維鳩(=維鳩驛)。”言可居處也。其中維鳩(=維鳩驛)·麻谷(=麻谷寺)，在公州西北，土山盤回，內多洞壑溪澗，水田饒沃，且宜木綿·黍粟。居民多富厚，蓋樂土也。地爲山上結局，崗麓低回平善，少殺氣。南師古以『十勝記』，以維(=維鳩驛)·麻(=麻谷寺)兩水間爲避兵地。

西踰一峴卽內浦也。內浦不宜木綿，海戶浦民，以魚鹽多貿綿於此。故公州惟維(=維鳩驛)·麻(=麻谷寺)，綰內浦魚鹽之利。是以平時亂世，皆可居。公州甲川，可作永遠世居之地。

黃澗·永同在俗離(=俗離山)·德裕(=德裕山)二山之間。東有秋風嶺，名雖嶺，而實則平地。故山雖多，巖石峯巒，俱帶潤澤，溪澗清澄可愛，土地肥厚，水多易溉，少旱災。

永同北面，沈江亭，第一鳳凰臺，眞可居地。黃澗白華山下金鷄村，亦可居地。

報恩土甚薄，惟館岱在俗離(=俗離山)南·飯項西，野闊土沃，最爲可居矣。

牙山靈仁山北地盡頭，朝家置倉，收忠清(=忠清道)近海諸邑賦稅，漕至京師(=漢陽)，故名爲貢稅湖。地本饒魚鹽，而以倉故，人民多聚，商賈萃會，多富厚之家。不但倉村爲然。靈仁山既止二水間，而氣脈不解，左右前後皆名村。

田宮浦東西諸邑，皆通舟商，其中禮山爲居留都會之所。

忠州在漢陽東南三百里，漢水(=漢江)上流，水路便於往來，故京城(=漢陽)士夫多卜居於此。

自達川[源出俗離(=俗離山)]南泝至槐江，東泝至清風，舟車走集。足稱名都。然慶尙左道由竹嶺通，右道(=慶尙右道)由島嶺通，二嶺之路皆會於邑治，水陸始通。

漢陽。故獨當畿嶺(=京畿道·慶尙道)往來之衝。人民稠衆，常多口舌浮薄，不可居。

然金遷·嘉興最爲繁盛，金遷則二江合於前而繞出村北，東南受嶺南貨物，西北通漢陽魚鹽，閭閻櫛比恰似漢陽諸江村，舳舻聯絡，爲一大都會。嘉興東金遷西十餘里，江自東南趨西北，而村在南岸。朝家設倉於此，收嶺南(=慶尙道)七邑忠清(=忠清道)七邑田賦，使水運判官漕至京師(=漢陽)。居民以主客與米出入，時多射利，被奇羨。

秣馬里數百戶皆饒給自足。前有大川，灌溉水田，多畝種。距漢陽近僅二百餘里，且通驪江水路，實可居處也。土人以金遷[所悅]·嘉興·秣馬里與江北內倉，爲忠州四大村。

自彈琴臺渡江而北，爲北倉，有臨江巖石之勝[樓巖也]。沿江而西爲月灘，又西爲荷潭，又其西爲木溪，是爲下江魚鹽船停泊出賃之所。而東海魚鮮，及嶺峽貨物，皆聚於此，居民皆以販賣致富。

木溪北十里爲內倉(=內倉村)，是千年名村，山中開野，風氣關鎖，土地甚廣，多世居士夫。清風·丹陽·永春，竝溪峒巉險。堤川山上結局，地高風寒土瘠無綿，北有義林池，築大堤障水，以灌之，足以浮航以游。北近平昌[江原(=江原道)]，東接寧越[江原(=江原道)]，萬山深峽，真可以避世。

(京畿道)

京畿(=京畿道)漢(=漢江)南諸邑。竝村落凋弊，風水愁慘，無可居處。惟驪州邑治距漢陽水陸未滿二百里。西有日涯村(=白涯村)，是爲江上名墟。水口關鎖，不知江出，與邑村通野，東南曠遠，氣色清爽。二村竝多世居士夫。然日涯(=白涯村)則村人專仰舟楫商販，以代農，而其贏得優於耕利云。

楊根龍門山北有迷源村(=迷遠村)，山中雖少恢拓，地既深阻，氣亦淒涼，四山不雅，前溪太咽，非樂土也。

修李山(=修理山)西去者，爲最短而脈，止於安山海上。多京城(=漢陽)公卿家祖地，且近京(=漢陽)而饒魚鹽。修李(=修理山)南去者，西南行，止於廣州聲串里。爲浦村，頗集近海商船，民多販魚致富。廣州一境，以重鎮之下，不可居。南陽西止於海，與忠清(=忠清道)之唐津隔小海甚近，地勢左右挾浦港，直入海中，鹽戶數百，星羅於南北海汀。地盡頭爲花梁鎮(=花梁)，渡海十里爲大阜島，皆漁戶所居。故南陽西村，有魚鹽之利。

水原東爲陽城·安城，安城居畿湖(=京畿道·忠清道)海峽之間，貨物委輸，工商走集，爲漢陽都會。然邑治外雖平善，地有殺氣，不可居。

江華(=江華島)一境東北環江，而西南環海，爲大島。一脈從西岸行，過一小浦，爲喬桐島。南臨大海，海之南卽忠清(=忠清道)之海美·瑞山等邑。西北斜與黃海(=黃海道)之白川·延安隔浦相望。二島皆地澇[鹹土]，數旱少收，民多以魚鹽資生，且皆設守禦之地，安危俱不宜居生也。

開城府南則豐德，東則長湍，永平江自東，澄波江自北，合於麻田，循長湍南爲臨津，又西巨野外會漢江爲昇天浦。

臨東積城·漣川·麻田，北有朔寧，直漢(=漢陽)北百餘里，水道通二京。然並土薄民貧，少可居處。其中朔寧田地頗善，而臨江多勝槩。楊州·抱川·加平·永平爲東郊(=漢陽東郊)，高陽·積城·坡州·交河爲二郊，俱土薄民貧，京城(=漢陽)士夫之家貧失勢者下三南(=忠清道·全羅道·慶尙道)，則能保有家世，而出二郊(=開城·漢陽)則寒儉凋殘，一二傳之後，多夷品官平民矣。(二京?)

(鷄距)

總論禮安·陶山·安東·河洄皆爲卜居第一。陶山則兩山合爲長谷而不甚高，潢池[在太白山]之水，至此始大，到谷口外爲大溪，而兩山足皆有石壁，據水爲勝。水可以容舳舳，洞中古木甚多，從容閒雅，蕭洒幽靜。而山後溪南，皆良田平疇。退溪(=李滉)所居巖棲軒二間，舊屋尚在，內藏硯匣杖屨等物。

安東·河洄則一平坡，自溪南向西北，而西崖(=柳成龍)故宅在焉。溪水周回，演漾渟深於前，水北山自鶴駕山分來，紆回於江上，而皆石壁，石色雍容秀麗。上有玉淵亭及小僧菴，點綴於巖石間，而蒙以松檜，眞絕境也。

陶山下流爲汾江，卽李聳巖·賢輔(=李賢輔)故居，水南卽禹祭酒倬(=禹倬)故居，皆有幽勝之致。河洄上下又有三龜亭·繡洞·九潭(=九潭村)·佳逸(=佳逸村)等村，皆臨江名村。下流多灘，故俱不通洛東(=洛東江)商船，而然面前亦可以容舳舳。且田地不遠，平時可以耕耘，小白(=小白山)最邇，亂世又可隱居。

○府南又有臨河川，卽青松邑(=青松)溪下流之會潢水者也。臨川有鶴峰(=金誠一)·金誠一故居，爲名村，傍有夢仙閣·陶淵(=陶淵瀑布)·仙刹(=仙刹寺)之勝。

○州北有奈城村，卽故權二相撥(=權機)故居。有青巖亭，在池中大石上，頗有幽致。又北爲春陽村，卽太白(=太白山)之陽，有正言權斗紀世傳寒水亭，亦有幽妙之致。

○臨河(=臨河川)上流爲青松府(=青松)，有二大川，會合於邑前，而頗開郊垆。白沙碧流映帶於禾黍田疇之間，山皆海松，四時長青，瀟灑窈窕，殆非塵世間風氣。

○榮川西北爲順興府(=順興)，有竹溪，溪自小白山流出，野闊山低，水石清明。

上有白雲洞書院，祀安文成公(=安珣)，院前有樓，據溪而全攬一邑之勝。竝二邑，溪山物色，土地生利，與安東諸名村，相上下。故曰：“二白(=太白山·小白山)之下，潢水之上，實爲士大夫可居處。”

○其次則赤登(=赤登江)之南，龍潭有珠峯川，錦山有濟原川，長水有長溪，茂朱有朱溪。四處溪山絕勝，而土地爲上腴，宜綿宜稻，而野得灌溉，不知年歲之豐凶，茲則又非二白(=太白山·小白山)潢水之比矣。

四邑中間，又有前島·後島·竹島三島之勝。但恨農場少遠。然四邑東西皆太山，故多避兵處。

○遵是而北下，溪折而東入沃川地，爲陽山新霞溪·利山九龍溪。雖隨地異名，實一水，而竝居赤登(=赤登江)之上。沿溪多層巖秀石，西北高障，東南敞豁，清幽竊曠。山高秀，無巖險之形，水雖不通下流之船，往往滙潭深溜，可用舫艘。足可比美於安東河洄，而東近黃岳(=黃嶽山)·德裕(=德裕山)，又可以避兵。但少水田，故其民專治綿爲業，而貿遷之利，足以抵當膏腴水田。故生利亦不減上四邑，眞可居處也。

○又其次則火嶺·秋風嶺兩間，有安平溪·錦溪·龍華溪。三溪尙州·永同·黃澗之交，溪山絕勝，而有灌溉之利，水田爲上腴，而地多綿田。介居湖嶺(=忠清道·慶尙道)間，地不甚僻，商賈輳注貿遷，多富厚者。故生利比諸處爲第一。然野不開拓，故清明氣像，不及於潢(=潢水)北與陽·利山(=陽山·利山)兩山矣。然北接俗離(=俗離山)，有甌項·道莊山；南隣黃岳，有上·下弓谷(=上弓谷·下弓谷)，皆可以避兵，眞福地也。

○聞慶瓶川，有加恩·鳳笙·青華(=青華山)·龍游(=龍遊洞)之勝。而北接仙遊洞壑，溪山泉石奇絕，而水田饒沃，土宜柿栗，周回百里，皆是避兵福地，然所處既僻，而山不脫殺，非平時可居處也。

○俗離(=俗離山)北·達川上流，爲槐山槐灘。上有孤山亭，卽故判書柳根別業也。峽中窄隘，溪山明淨，又有耕稼之樂。東有曦陽山，可以避兵。

○沿溪以南，有青川·龜灣·龍華(=龍華洞)·松面(=松面村)等村，在俗離(=俗離山)之北。南踰栗峙，則爲聞慶瓶川，而栗峙以北，地勢最高，諸村皆背山臨流，而原野綠淨，草樹馨香，亦一別乾坤也。雖在萬山中，無巖險之峰岸，但田多而水少，土瘠，不及瓶川·槐灘矣。

江原(=江原道)之原州酒泉，絕峽中頗開野，山不甚高而水極清。但恨無水田，居民只以黍粟爲生。西則赤岳參天，隔斷人間，足宜避兵，而比青川·瓶川，尤貧儉矣。至於離嶺而下野溪村，指不勝屈。當以公州甲川爲第一，全州栗潭爲第二，清州鵲川第三，善山甘川第四，求禮九灣(=九灣村)第五。

○公州 甲川則原野極廣，四山明麗。三大川合注於中，而竝得灌溉，土皆畝種，又宜木綿。恩津江景不遠，而前有大市，通海峽之利，可作世居之地。

○全州 栗潭東挾高山，西隣良田，南有大川，水田多畝種。漁釣之樂，耕稼之利，不下於甲川，且密邇全州，利用厚生兼備。

○清州 鵲川西有長命·金城·紫的·鼎坐等村，川谷至多，竝得灌溉之利，自古多富豪之家。

○善山 甘川則發源於黃岳(=黃嶽山)，而沿溪皆灌溉上腴之水田，人不知豐凶，而多世代富豪者。故俗甚淳厚。

○求禮 九灣(=九灣村) 智異山有東枝無西枝，獨一脈西抽，大盡於此，而潺水(=潺水津)曲抱，江外五峰(=五峯山)南朝。介二道間，爲貨財委輸之所，而曠野皆上腴。或於月明之夜，江上小艇無人而自浮泛兩岸，世傳五峰山有仙人，往來智異山而致然。大抵九灣一村(=九灣村)，比諸溪村，生理尤厚，而但近南海，水土不竝以比。

此五處地理與生利俱極佳，比陶山·河洞尤勝。而以離嶺稍遠，故只堪平時世居，不可避兵。此其所以不及漢北諸村矣。然惟九灣一村(=九灣村)東有智異，治亂皆可居止。

忠清道保寧 青蘿洞·洪州 廣川·海美 武陵洞·藍浦 花溪，俱多世居富者。雖無深山鉅谷，以海隅地僻，兵戈初不入，故稱福地。

全羅道南原 夢川·興德 長湍·長城 鳳淵，皆腴壤，多世居土豪。

慶尙道大丘 琴湖·星州 伽川·金山 鳳溪，竝甫田腴壤，自新羅至今，人煙不衰。地理·生利，皆可世居，但不可避兵。惟伽川·鳳溪近嶺，治亂皆可居止。

京畿(=京畿道)則龍仁·魚肥川·陰竹 清美川，土沃如三南(=忠清道·全羅道·慶尙道)而可居處。

江原道原州 安昌溪一帶，橫城邑川左右，竝溪山勝絕，而但土瘠，不及三南(=忠清道·全羅道·慶尙道)遠甚。

黃海道海州 竹川·松禾 水回村，頗有溪山勝致，而土亦不薄。西有海汀魚鹽之利，實爲可居。

黃海(=黃海道)·江原(=江原道)之交，平康有亭子湍，是黃氏世居地。在鐵原北，而大野中平岡紆回，而且大溪自安邊三方峙西南流下，至村前益大深，可容舳舻，江岸石壁如屏風，有亭榭樹木之致。

○西則伊川邑(=伊川)，北有廣福村(=光復洞)。安邊永豐之水，至廣福(=光復洞)泓深，可以容舟，地皆白石明沙，有奇異氣。一邑少水田，而惟廣福(=光復洞)引水灌溉，土極饒沃。北有古美灘·劍山之深阻，治亂皆可居，而但處地太僻，所居

只富民，而無士夫。廣福(=光復洞)之水，至伊川邑(=伊川)前，大而爲江。每夏秋水漲，直發稅船，漕至京師(=漢陽)。江水自安峽，會古美灘水，經兔山，至朔寧麻田合永江澄波渡，江山清遠，始有士夫亭臺矣。[已上 皆論士大夫可居之地也。如不以江山清致習俗好學爲重，但以衣食樂土求之，則八道之內，處處有之，殆令指難勝屈矣]

南師古十勝保身地

第一基川，屬在豐基東巖金鷄村，在小白山下兩水間。

第二花山北，在召羅古基，奈城東太伯(=太白山)陽面是。

第三報恩俗離山下蒸項(=飯項)近地，此地避病，萬無一傷，而不是世保之地。

第四雲峯頭流山下銅店村，百里內可以[永保之地]。

第五禮泉金堂洞北地。此地雖淺露兵戈不入，累代安享。

第六公山維鳩(=維鳩驛)·麻谷(=麻谷寺)兩水之間，周四百里[可以避兵]。

第七寧越正東上流，可以避兵。

第八茂朱舞豐北洞傍德裕山脈緣水無[不避兵]。

第九扶安壺巖下避兵最奇，此地在邊山東，世難尋之。

第十伽倻山下，南有萬壽洞，周二百里，可得保身，東北不可。

凡災難不到之地，謂之福地，已上十勝地，雖未知生理如何，而當此昇平，既久之時，預占棲息之所，則亦豈非君子超吉保身之道耶。

東國勝區錄

○江原(=江原道)之金剛山，一名蓬萊(=金剛山)，一名楓嶽(=金剛山)，凡一萬二千峯，純是石峯·石洞·石川·石瀑。峯巒·洞府·水泉·淵瀑，無非白石結作。乃至萬仞之巔·百丈之潭，渾是一石，此天下所無。山中央有正陽寺，寺有歇惺樓，得地最要，坐其上，可得一山真面目·真精神。如在瓊瑤窟裏，清氣爽朗，令人不覺換滌腸胃間塵土。

○正陽(=正陽寺)西有表訓(=表訓寺)·長安(=長安寺)二寺，內多元時及前朝古蹟，從正陽寺北入爲萬瀑洞，有九潭之勝。洞壁有楊士彦‘蓬萊(=金剛山)楓岳(=金剛山)元化洞天(=元化洞)’八大字。內有摩訶衍·普德窟，凌虛架空，其結構如神功鬼力，殆非意慮所到。

○衆香城，在萬仞峯巔，地皆白石而有層級，如鋪床卓。上安一立石，如佛像而無眉目，是天成也。左右石床上，又兩行排列小小石像，諺傳曇無竭住此。前臨絕壑

萬丈，惟從西北角微逕以入。萬峯皓如，水石潭洞，曲曲奇巧，不可盡記。名菴小寮籠絡其上，不似人間有者，上頂曰毗盧峯，直上剛風，人有登陟者雖夏猶寒凜挾續。○山西北有靈源洞，別成一界，而東爲內水站，卽嶺脊脈也。踰脊，卽楡岾寺也。寺東北有九龍洞，大瀑自高峯飛下，穴爲大石臼者九層，而皆有一龍守之。山崖水道，皆光潔白石，不但傾危峻側，不可接足，森嚴肅烈，不可嚮邇。

○楡岾(=楡岾寺)以西謂之內山(=內金剛)，以東謂之外山(=外金剛)，而水流入東海。內外山(=內金剛·外金剛)自古無虎蛇，夜行不怕。當爲國中第一名山，佛氏『華嚴經』，創於周昭王後。是時西竺不通中國，況東國乎？然而東北海中金剛山之說，已載於經中，無乃以佛眼遙見而記之歟！

○由是以南爲雪岳(=雪岳山)·寒溪山，在麟潁(=麒麟)東五十里，亦石山·石泉，疊嶂喬林，蔽虧天日。寒溪(=寒溪山)有萬丈大瀑(=大勝瀑布)，昔唐將見之，謂過廬山瀑布。

○又南爲五臺山，在江陵西百四十里，乃土山而千巖萬壑，重疊深阻。最上有五臺之勝，臺各有一菴，中藏佛骨舍利。自古兵戈不入，故山下月精寺庫，藏歷朝實錄，置官守之。自此嶺脊稍夷爲大關嶺，東通江陵，而嶺下有丘山洞，泉石絕勝。

○太白山在三陟西百二十里，亘於安東·奉化等地，山有潢池，南流爲洛東(=洛東江)之源，小白山在順興北數里，永春東南四十里，自太白(=太白山)逶迤百餘里，大·小白(=太白山·小白山)，亦土山也，土色皆秀穎。是山上開野，頗有峽氓保聚成村，燒畬爲生。然地高寒早霜。潢池上芍藥峯下有禁穴，世傳國朝祖地，而不得葬處。山下平地有覺化寺·弘濟菴。自古又稱三災不入，故亦置史庫於此。小白(=小白山)有郁錦谷(=郁錦洞)，泉石八九十里。上有毗盧殿，卽新羅古刹也，洞口有退溪書院(=紹修書院)。大凡大·小白(=太白山·小白山)泉石，皆在洞口低平處。山腰以上無石，故形雖雄大而少殺氣。遠而望之，峯巒不起，鬱紆如行雲流水。南師古見小白(=小白山)，輒下馬拜曰：“此活人山也。”著言以大·小白(=太白山·小白山)爲避兵第一。

○小白(=小白山)以下斷峽者數，始爲俗離(=俗離山)。俗離山，山在報恩東西十里，上有池，東流爲洛東(=洛東江)，南流爲錦江，西流爲撻川，俗離(=俗離山)石勢高大重疊，峯巒皆石尖叢聚，形如初發芙蓉，又如遠列炬火。而山下皆石作洞府，紆回深遠，有九曲八逕之名。山旣秀石而泉出於石，故水味清冽，色亦紺碧，可愛。環一山多異洞·別墅·幽泉·奇石，亞於金剛(=金剛山)。南有幻寂臺，千峯萬壑巉巖幽邃，人不知其逕路。是谷之水合爲小川，渡小垵，循青華山南而來注龍湫，是爲撻川。

○川南爲道藏山，亦俗離(=俗離山)一支來會，與青華(=清華山)偁側相對。而兩山間龍湫以上，通稱龍游洞。洞中平地皆盤石，大川自西至此，濶展平鋪於石上。

遇石變態，奇奇怪怪。難以筆舌盡記。兩崖樹木蕭瑟，谷風淒冽，殆天下之奇觀也。當中有宋氏亭舍(=櫟泉亭)。

青華(=青華山)東北有仙遊洞，爲上聚局，絕頂夷坦，洞壑甚長。上有七星臺·虎巢窟，是谷之水流下爲風聞苑，與梁山寺前谷水合下加恩倉東，流入聞慶犬灘。

○自七星臺西踰嶺脊，是爲外仙遊洞，稍下爲葩串。洞天深邃，而大溪瀉下於石洞之下，千回萬轉，奇巧清妙。水石，當爲三南(=忠清道·全羅道·慶尙道)第一矣。

青華(=青華山)既背負內·外仙遊(=內仙遊洞·外仙遊洞)，前臨龍遊(=龍遊洞)，水石之奇絕，勝俗離(=俗離山)。蓋山之高大，雖不及俗離(=俗離山)，而無俗離(=俗離山)之險絕。土峰帶石，明穎少殺氣，端正平善，而秀氣迸露，眞福地也。

○華陽洞在葩串之下，葩串之水至此益大，石益奇。尤庵(=宋時烈)擬朱子雲谷，築室於中，自俗離(=俗離山)南下爲火嶺·秋風嶺，頗有溪山之幽致，皆宜村居。

○德裕山，在茂朱·長水·安陰三境，亦土山也。上有九泉洞，泉石幽邃。下有赤裳山城，周回皆石壁如裳，上則坦易。故藏國史。東則安陰·知禮，北有雪川·舞豊。南師古稱福地。洞府之外傍一山，田土饒沃，多富村。此則又非俗離(=俗離山)以上之比也。

○智異山[一名方丈(=智異山)]，在南原東六十里，雄據數百里坐南海上，是爲白頭(=白頭山)之大盡脈，故一名頭流山。地誌以智異(=智異山)爲太乙所居，群仙所會。洞府盤互深鉅，土性肉厚膏沃，一山皆宜人居。內多百里長谷，往往有人所不到處，不應官稅。地近南海，氣候溫暖，山中多竹，又多柿栗，自開自落。撒黍粟於高峰之上，無不茂茁。村居與僧居相雜，農功不勞而周足。山之陽，有花開洞·岳陽洞，皆人居而山水甚佳。西有華庵寺(=華嚴寺)·燕谷寺，南有神凝寺·雙溪寺。寺有崔孤雲(=崔致遠)畫像。世傳孤雲(=崔致遠)得道，至今往來於伽倻(=伽倻山)·智異(=智異山)兩山間云。山北咸陽地，有靈源洞·君子寺·鎭店村，南師古以爲福地。又有碧霄雲洞·楸城洞，俱勝地也。智異(=智異山)以北澗谷之水，合爲臨川，爲龍游潭，到郡南嚴川，沿溪上下泉石并絕奇。但地太深阻，村多亡命遁逃之類。又多淫祠鬼堂，最爲不潔。西南局於蟾津上流。水泉多帶嵐瘴，通一山少清氣，可欠。

咸鏡一道(=咸鏡道)，皆大山荒谷，無可以名山稱者。惟明川七寶山，據東海結作，而入洞府，石勢巉削，雕鏤奇巧之狀，殆如鬼剜神刻。

○平安道妙香山(=妙香山)，在寧邊東百三十里，亘數百里，與遼陽爲界山，外則皆土山，巒頭皆土城。但峰腰以下，皆奇巖秀石，而又不險惡。內多平地，大川闊布其間，殆如野中村落。山回洞疊，如城郭狀，他無蹊逕，惟西南水口以入焉，只容一人單行。山內有三大刹，小菴寮極多。

○慶尙一道(=慶尙道)，無石火星，而惟陝北三十里伽倻山石尖連紆如火炎，離立

空中，極高且秀。洞口有紅流洞·武陵橋，飛泉盤石數十里。世傳崔孤雲(=崔致遠)遺履於此地，不知所之。石上刻孤雲(=崔致遠)大字，至今宛然。孤雲(=崔致遠)詩曰：‘奔流疊石吼重巒，人語難分咫尺間。常恐是非聲到耳，故教流水盡籠山’者，卽此地也。壬辰之難，金剛(=金剛山)·智異(=智異山)·德裕(=德裕山)·俗離(=俗離山)，皆不免倭入，獨五臺(=五臺山)·小白(=小白山)及此山不至，故自古亦稱三災不入。

內有海印寺，新羅哀莊王既死，已斂而復甦。與冥官約發願，送使入唐，購八萬大藏經，以船載來，刻而加漆，以銅錫爲粧，而建閣百二十間藏皮。至今千餘年，板如新刻，而飛鳥回避此閣，不坐屋瓦上，此實可異也。寺西北爲伽倻(=伽倻山)上峰，石勢戍削四面，人不可上，其上恒有雲氣，樵童牧豎，時聞樂聲出於峰上。洞外多大川，水田極沃，種一斗，收百二三十斗，少不下八十斗。不知旱災，又木綿爲上田，最稱衣食之鄉。山東北有萬壽洞，亦深奧長谷，稱福地，可以棲隱。

○安東清涼山，有三十六峯，自太白(=太白山)下野，而結峙於禮安江上，自外望之，只土巒數朶耳。渡江入洞府，四面石壁周回，皆丈，尊山石奇險，不可名狀。內有爛柯臺，卽崔孤雲(=崔致遠)奕棋處，有石如方罫。有蓮臺寺，寺多新羅金生親筆所書佛經。

○凡¹⁾山形必秀石作峯，山方秀而水亦清。又必結作於山海交會處，斯爲大力量。如此者國中有四，卽開城之五冠(=五冠山)·聖居山·天磨山，漢陽之三角(=三角山)，鎮岑之鷄龍(=鷄龍山)，文化之九月山也。

○開城之五冠山，道詵謂水母木幹，勢極長遠，而又大斷爲松岳(=松岳山)。氣勢雄健，意思渾厚。東有麻田江，西有後西江，而昇天浦爲前朝。喬桐(=喬桐島)·江華(=江華島)二大島在海中，橫亘如一字，障南海而北貯漢江下流，暗拱于前山之外，而深濶浩大。比平壤尤固密矣。山之左右多洞府，朴淵(=朴淵瀑布)在西，花潭在東，而竝泉瀑絕勝。漢陽三角(=三角山)爲巽山，在百里外，秀入青天。而前面平善，西北高障，東南敞遠，茲爲天府名墟，所乏者沃野千里耳。

○三角山·道峯(=道峯山)·三角(=三角山)連紆爲勢，石峯極意清秀，如萬火朝天，別有異氣，畫亦難形，但山無輔弼而亦少洞府耳。城內白岳(=白岳山)·仁王(=仁王山)，石勢使人可畏，不及松岳(=松岳山)之脫殺。所恃者，只南山(=木覓山)一支，逆江作局耳。內水口低，虛前面，冠岳山雖隔江亦太近。雖火星朝拱，堪輿家每以午地方位爲不吉。然局內明朗，土色堅白。故漢陽人士多疏通明穎，恨無雄氣。

○鎮岑之鷄龍山，在連山北二十七里，我太祖欲都山南，始役中止，故號爲新都，此山雄不及五冠(=五冠山)，秀不及三角(=三角山)。前面又少朝水，只錦江一水周回龍身而已。龍顧祖之地，本少力量。故鷄龍(=鷄龍山)南洞，比漢陽·開城，氣

1) 여기서부터는 정본의 「도읍은둔」에 해당한다.

勢迫遜。又局中平地少，而東南又不敞豁。然其來既遠，而洞府深蓄，局內西北有龍淵，極深且大，溢爲局中大溪，此則開城所無也。山南北亦多好泉石，東有鳳林(=鳳林寺)，北有岬寺及東學寺(=東鶴寺)之奇勝。

○文化九月山，在縣四十里，亘長連股栗境，亦回顧祖龍之形，而西北負海，東南逆受平壤·載寧二江之水，通魚鹽之利。全據黃海一道(=黃海道)之勝，而南五里(=南勿里坪)又爲百里沃野。水勢及地理之險阻，田地之饒沃，大勝於鷄龍(=鷄龍山)，石山鉅齒之勢，亦不下於五冠(=五冠山)·三角(=三角山)。環一山，寺刹多至十餘區，而上又築山城爲天險矣。諺傳：檀君子孫避箕子，自平壤移都於此，所謂莊莊坪也。尚有檀三君祠(=檀氏三君祠)，國家春秋祭焉。然檀氏偏據，不足以盡茲地之勝，此當爲一番都會。

○春川清平山，卽狎國故都，而但結作於二江之間，距西海遠，故來勢短。金溝母岳(=母岳山)，下有平地洞府，然勢亦短。安東鶴駕山在二水間，山勢恰似五冠(=五冠山)·三角(=三角山)，而恨少石峯。下有豐山之野，此三山皆不及上四山。夫下野之山，雖無大力量，其奇[勝亦多可述]。

○原州赤[音雉]岳(=雉嶽山)，雖土山，然內多洞府泉石，東西又多名村塢。且山多靈，獵者不敢捕獸於此。獅子山在赤岳(=雉嶽山)東北，水石三十里，而酒泉江發源於此。南有桃花洞·杜陵洞，竝溪泉絕勝，又稱福地。

○公州茂盛山，與天安廣德山相連，而皆土山。然兩山長谷甚多，不但佛寺僧寮擅勝于中，谷谷有村閭田疇，錯雜隱映於長林溪水之上，宛[一桃源圖也]。

○藍浦聖住山，南北二山合爲大洞，山中夷坦，溪山明淨，水石蕭灑。山外產玄玉，作硯爲奇品。昔梅月堂(=金時習)金時習坐化於鴻山無量寺，卽此山也。溪洞之間，多可居處。

○蘆嶺一支，北至扶安，斗入西海中，西南北皆大海，內有千峯萬壑，是爲卞山(=邊山)。扶安西二十五里，石峯盤回，百餘里巖谷深邃，毋論峯崖平地，皆落落長松。洞外皆鹽戶漁父，山中多良田沃疇。生理雖好，而只恨水泉帶瘴。

上所論諸山，可爲高人棲隱之地，而至於人不可久居，而山以名勝稱者。列錄于下。

○永平白雲山，有三釜淵瀑布之壯。

○谷山高達山，極深且阻，有巖竇洞穴之奇。

○光州無等山，在州東十五里，雄盤五十餘里，山上有石條數十，排列空中，如卓筭，山勢極峻而雄壓一道。又白雲山，道詵修道之所，泉石亦奇。

○靈巖月出山，石尖飛動如道峯(=道峯山)·三角(=三角山)，而但偏海上少洞府。

○長興天冠山，石勢奇勝，恒有紫白雲在上。

○興陽八靈山，入海如島，南師古稱福地，壬辰倭船出沒左右，而終不入此山。

○順天曹溪山，內有松廣寺溪洞之勝。

○大丘八公山，石峯橫亘，山東南溪山頗勝。但山西築山城，爲關防重鎮，此不爲雅。琵琶山[有湧泉(=湧泉寺)之石]。

○清道雲門山·蔚山圓寂山，竝連峯疊嶂，洞天深邃，僧家稱千聖出世之處，素稱福地。

○清河內延山，巖瀑之奇勝，幽妙勝於清涼山。

○青松周房山，皆石作洞府，驚心駭目，泉瀑亦奇。

○濟²⁾州，卽古耽羅國也。有漢拏山，是爲瀛洲(=漢拏山)，上有大池(=白鹿潭)，每人語喧鬧，則輒雲霧大作。絕頂有一方巖，如人鑿成，其下莎草成路，香風滿山。時聞笙蕭聲，不知自何來。山下有窟，而乘船以入，人莫至其極處，山北卽濟州邑治，本無虎豹，自新羅附元，以爲房星，分野縱駭馬於山，爲牧場歲貢。島方四百里，水路九百七十里，其南卽琉球國(=琉球)也。

諺傳神仙恒遊之處。

山北則濟州邑治，古耽羅國(=濟州)也。自新羅來附，元以爲房星分野，縱駿馬牝牡於山爲牧場，至今產良馬歲貢。濟州邑治東西有旌義·大靜二縣，與濟州大同俗。而牧使與二邑守令，自古往來無漂溺。又朝廷搢紳多竄謫於此，而亦無漂溺，可見王靈之遠暨，而百神奉順也。

○南海縣(=南海)在固城海中，去陸水路十里，而內有錦山洞天。卽崔孤雲(=崔致遠)所書大字尙留石壁上。

○莞島在全羅(=全羅道)之康津海中，去陸十里，卽新羅清海鎮，張保皋所居，島內多好泉石。

○群山島在全羅(=全羅道)之萬頃海中。全身爲石山，群峯障後，左右環擁，中爲汊港，可以藏船。前爲魚梁，各處商舶，雲集販賣。居民以此富侈，又無瘴氣。

○德積島在瑞山北海中，卽唐蘇定方伐百濟時，駐兵之所也。三石峯在後插天，而支麓環衛。內外汊港，可藏舟。飛泉自高瀉下，逶迤平川，巖石曲曲清潔。春花滿山，洞壑成錦白沙，海棠往往如綉，眞仙境也。居民竝以漁採致富。又無瘴，而盖民皆竄逋之類，人民多頑少淳矣。

○鬱陵島，在江原(=江原道)之平海東六日程，長百里，廣六十里，大石山聳立海中，岸上無人居，而有古人遺址。內有石壁石澗，洞壑甚多，竹大如杠，亦有桃李桑柘菜茹之屬，珍木異草不知名者多，貓鼠極大，不知避人，疑卽古于山國也。于山島(=鬱陵島)，在三陟東。

○國³⁾內無湖水，惟嶺東有六湖，殆非人世所有。如高城三日浦·江陵鏡浦臺·歙谷侍中臺爲第一，杆城花潭·永郎湖·襄陽青草湖爲其亞也。[延安有南大池，尙州

2) 여기서부터는 정본의 「해산」에 해당한다.

3) 여기서부터는 정본의 「영동산수」에 해당한다.

有空闕池。]

○高城三日浦，湖之中心有四仙亭，卽新羅永郎·述郎·南石行·安詳所遊處。世傳此人得道仙去湖之南，石壁有丹書，四仙題名，丹痕漬壁，風雨不泐，千有餘年。客館東，又有海山亭，西顧金剛(=金剛山)，東望滄海，南臨長江，濶遠雄壯，更兼幽妙之致。南江上游有鉢淵寺，傍有鑑湖。楊蓬萊士彥(=楊士彥)，構亭於湖上，手寫飛來亭揭額。一日飛字，忽風吹捲入天中，不知所之，詢其日時，卽楊(=楊士彥)化去日也。人謂楊(=楊士彥)一生精神在飛字，及氣散也，與之俱散，此實可異也。

○江陵鏡浦一小麓東向而峙，臺在其上。前有湖水，周圍二十里，水深不過人腹，可行小船。東有江門橋，橋外白沙堤重重互遮。湖水通海，而堤外碧海連天。諺傳此湖舊爲富民所居，有丐僧乞米，民以糞與之，所居忽陷爲湖。其所積穀悉化爲細小蛤，味甘香，可以療飢。土人謂之積穀蛤。四時採之，湖底尚有瓦礫器皿之屬云。湖南岸，有故判書沈彥光故居。湖南數里許有寒松亭，有石鼎·臼之屬，卽四仙遊處。

○歙谷侍中湖則無亭屋，沙岸重疊交牙，湖水屈曲滙渟，景概絕勝。昔上黨韓明澮以監司宴遊於此，適至拜相之報，今邑人號爲侍中湖。

○通川叢石亭，金剛(=金剛山)大麓，直入大海中如島嶼。而麓北海中，有大石柱，隨麓身一行排立，海中，上與麓身齊高，相距未滿百步，柱高可百仞。上下如一，少無豐銳，柱體圓，圓中有斲削痕，自上達下，似木匠以刀鍊。柱之狀上，有古松點綴，柱下海波中，小石柱無數，或豎或倒，與海波相嚙蝕，賦形至巧，眞天下之奇觀也。

○三陟竹西樓，據五十川爲勝。而絕壁下有暗竇，水至上，漏如落瀑，餘波循樓前石壁，橫過邑村。昔有人船游誤入竇中，不知所之。

○襄陽洛山寺·杆城清澗亭·蔚珍望洋亭·平海越松亭，竝據海結構，前無遮蔽。而海岸如江汀溪畔，小石奇巖錯立岸上。海邊皆粲然雪色之沙，履之憂憂自鳴。沙上海棠爛開，往往松林落落參天，眞是世外別境也。

○歙谷北，則咸鏡(=咸鏡道)之安邊也。鐵嶺一支，如張高下屏帳。左右兩支，回環於海門，如人拱手之狀。其空缺處，則小巖壁羅列，如萬竈在野，離離互遮，不見海色。其內爲鶴浦大湖，周回三十餘里，水深而空明。四面皆白沙岸，而沙中海棠開雲錦。微風乍吹，細沙遊走，小則成堆，大則成峯。朝夕遷徙，變化莫測。後有秀峯嫩岡，前有清波細浪，此非嶺東六湖之所可比也。

○安邊海中十餘里，有國島。後則石柱撑起攢立，上成石峯。四圍皆石，而內傳以莎草，中產竹箭甚良。無人居，使客遊翫到此，若吹籊笛，則下有龍湫，輒有雷霆風雨之異。

○永⁴⁾春·丹陽·清風·堤川四郡，實據漢江上流。沿江多石壁盤石，其中丹陽爲最。郡一境皆在萬山中，無十里野，有江溪巖洞之勝，世稱有二潭·三巖。

○烏潭在永春境。江中聳三石峯，各離立而一行如弦直，鑱鏤奇巧，恰如石假山。但恨低。

○龜潭在清風境，兩岸石壁參天，江瀉其間。石峽重重互遮如門戶，而左右有降仙臺·玉筍峯·彩雲峯。臺則臨江，高巖離立，盤陀上可坐百人。二峯則萬仞純是一石，而玉筍(=玉筍峰)尤挺直，江中又多盤石，水落則石出，水深則石沒。

○三巖者，在郡西南峽中。山中大溪，從石洞流下，溪底及兩岸上奇巖，無數水流，石上變態萬狀，水石日夜，相激喧豗，傍水不聞人語。左右峽脊，喬林蓊鬱，百鳥啁啾，實非世界。如此者有三處，上曰上仙巖，中曰中仙巖，下曰下仙巖。

○此⁵⁾下錄大名刹見稱於世，而有奇蹟異景者。順興浮石寺，在大小二白(=太白山·小白山)之間，卽新羅古刹也。佛殿後有一巨巖，橫而豎，上又有一巨巖，如屋下覆。驟看似上下相承接，細察二石間不相連，壓而有此二空隙，以繩度之，出入無碍，始知其爲浮也。寺以此得名，此理殊不可曉也。寺門外有息沙如塊，自古不泐，削之又起，似息壤。新羅僧義相(=義湘)得道，將入西域天竺，植杖於所居寮門前簷曰：“吾去後，此杖必生枝葉。此樹不枯死，則可知吾不死也。”義相(=義湘)去後，寺僧卽所居，塑義相(=義湘)像安置，而樹在窓外，卽生枝葉。雖日月照之，雨露不沾，而長至屋宇，亦不穿上，僅一丈有餘，千年如一。光海(=光海君)朝鄭造爲慶尙監司，至寺見之曰：“仙人所杖，吾亦欲杖。”卽令鉅斷，而去後卽抽二莖，如前而長。仁廟(=仁祖)癸亥造(=鄭造)以逆誅，樹至今四時長青，亦無凋落，僧人號爲飛仙花樹。寺後有聚遠樓，宏闊縹緲，若出天地之中央，上有退溪(=李滉)詩板，樓上奧隅作室，內懸新羅以來是寺之超骨舍利名僧畫像十餘幅，皆形容古怪，神彩清淨，儼然如相對定時。樓之上，地勢逶迤垂下，有小庵寮，以處講經入定僧云。

○梁山通度寺 唐初慈藏法師入天竺，得釋迦(=釋迦牟尼)頭骨舍利，瘞寺後，作塔以鎮。歲久少傾，肅廟(=肅宗)乙酉，僧聖能欲重修毀塔，則內書曰外道聖能重修。以銀函錦袱貯頭骨，大如盆盎，錦已千有餘年，不朽如新。又有小金盒，貯舍利，光奪人目。既改，建碑閣。

○大丘桐華寺羅僧弘眞飛錫空中，錫止於此，遂建寺以居。地形回合，屋宇宏傑，自古多名[僧修行者]。

○靈巖道岬寺羅僧道洗發跡之所。洞外立二石，一石刻皇長生三字，一刻國長生三字，不知何意。

4) 여기서부터는 정본의 「사군산수」에 해당한다.

5) 여기서부터는 정본의 「명산명찰」에 해당한다.

○海南 天柱寺·大屯寺處南海上，而地如深峽，松篁柚橘森立洞府。宮殿壯麗，物力富饒，爲[一道盛刹]。

○高山 大菴寺後山爲鷄龍(=鷄龍山)小祖，而寺後有白雲庵。壬辰倭亂，咸悅人姓孫(=孫順穆)幼時失母，設水陸道場於此庵凡七日，孫(=孫順穆)忽於俯伏中夢，一羅漢謂曰：“汝母在前山。”孫(=孫順穆)驚起遍視，果有一老嫗在前山石上，急往詢之，卽其母也。母曰：“被擄在倭國中，平朝提甕汲水，一僧負來在此，不知何故”云。大群驚駭，仍改其庵曰得母(=得母庵)。

○金溝 金山寺本龍湫，深不測，在母岳(=母岳山)南。新羅時祖師以鹽累萬石填實而龍徙，仍築基建大殿。殿四角階下細礪環繞，至今樓閣崑煥。洞府深邃，亦湖南(=全羅道)大名藍，距全州甚近。『麗史』甄神劍(=甄神劍)[囚其父萱(=甄萱)於此寺]。

○順天 松廣寺，許多殿寮，精緻工巧。水石清幽，峯巒明峭，四面境界，亦端妙窈窕。而鍾樓前有水閣，前有一樹，昔普照國師(=知訥)臨化時曰：“我去後此樹必枯，若更生枝葉，則知我再生。”今千年而葉不生，人以刀刮皮，則內津津有生氣。而若真枯則必朽倒，而至今挺直如常。

○興陽 楞迦寺在八靈山下。昔琉球國(=琉球)太子漂到，遂於寺伏禱觀音，請歸國七日七夜，大士現像，挾太子凌波去。寺僧繪其像於壁，至今尚在。